

白  
華  
前  
稿

白華前稿卷第三十二

南涯 吳省欽 沙之

古今體詩東阡集

重光大荒落

吾邑溝澍其流自東而西無數十步無水者故不可族葬卜地數月食墨於南二竈港距祖墓東十餘里矣葬前兩月移四竈唐氏宅西偏事畢返郡會舍弟泉之列學官弟子以明年奏賦行殿旋舉鄉試綜兩年所作志誓墓之感焉

丹厓澱湖漁隱圖

昔我謁三姑訪君澱山麓澱山低枕澱湖長倒喝湖流  
變醲綠雞豚小社似秦餘韶濩清音如楚曲導人黃鵠  
去飛飛兩槳沿緣宿釣磯傳將沙鷺風標相乞與胡僧  
褰色衣披襟脫帽者誰子方瞳一雙翦秋水長竿不動  
絲漾搖愁殺蜻蛉立不起側身吟望悲蒼浪安排茶竈  
兼筆牀信天始覺忘機好照影翻憐夾鏡光醒時拍手  
醉時臥銅斗歌成憺無那懶趁輕潮懶趁風畱待東塘  
月波大月波遙齋春溶溶柳市淺碧花源紅回船笑謝  
天隨子散髮涼生漁蒨重

南橋陳氏閨十詠

種桃流水邊水流花亦放不待作花時數漁起遙唱

右小桃源

海隅渺片石壘此闕罅天人影闕巖洞巾屨都蒼然

右一綫天

短軒牕四虛待月暮其空迎月月不知申旦坐相送

右迎月軒

碧波淨紅滓居然小鏡湖誰縛香茆亭翳此圓相無

右鏡心亭

君家絳縣元陶泓結相識洗向曲池邊神龜不敢食

右滌硯池

及泉鑿雙竇一東復一西石梁架其上如飲虹與霓

右羲娥泉

離離嶺上松種及十年否結交須老蒼嗟我素心友

右友松嶺

水鄉多飯魚錦鱗祕珍玩谿上夕霞時西錦萬紅亂

右錦魚谿

白雲如過客宿我層檐端我欲入雲去山中聊可盤

右畱雲塔

我有盎中粟握之臨高臺相啄不相語知是飢鳥來

右下鳥臺

平望

鶯脰浮深淺輕帆六尺蒲千聲畫眉鳥一飯白銀魚土  
語參於越朝青落太湖樵青來往地舊隱憶菰蘆

新市

清遠吳興路沙墟總灑然青帘沽酒店白版打魚船市  
響穿橋水邨明出樹烟采桑天氣好小坐折輕鯪

次韻李鶴峯師登徐州試院招鶴樓感夢午塘

司空

二洪怒張城版薄大戟老仙架飛閣隱君高隱雲龍嶺  
萬古摩天兩黃鶴一飛一伏雖逐懸羽翼葛衣等行樂

鶴來海上貌閑暇鶴去山中夢寥寞司空矯矯材出羣  
不韙能騎捩頭惡選樓傑構居最高霸楚雄圖細猶愕  
偶然題榜翩海鴻謂竚層霄下霜鶚何當河上襄屬薪  
至竟風前質叢籜承塵徒使止鵬鳥吉語轉憐噪乾鵲  
公平汴泗循交流海岱及淮肆澄廓茶煎試院聲不譁  
琴拂雍門淚還落難從利那算沙數豈獨郎當話車鐸  
書札三歲光新鮮那忍登樓命絃酌彭門路合山如環  
芒碭雲低天似幕劃然孤嘯驚人間健句長畱挽繁弱  
惟公經國資文章有友心期慰冥漠時觀丹地薛稷圖  
久遲黃樓蘇轍約後來誰作徐方遊雞毛筆輒懷無縛

杭州上滋圃先生

景運承蕃釐鉅人挺瑰異歸昌雖以鳴六宇仰符瑞我  
公昔起家三策冠廷對講帷參嘉謨輶車振士氣三吳  
文物區詵詵藉廣厲爲國先得人克協

帝心契煌煌開府居提封緬遙裔時和訟衰息立政豈  
無自方當升鼎鉉中外歷明試治越如治吳抃舞及黃  
穉去年逢木饑民食苦翔貴而無捐瘠虞發賑取如寄  
囊書上情狀蠲復拜 天賜前徽追趙公更勸治荒

記儒有近文章脫略在經濟旌節倚重臣地望兼清祕  
惟公巖廊間德業著醇備州民廟諸生感結到滄溟東



閣一來窺春風益旁吹

禩日新場不及過菊岑和其寄泉之韻

伯勞飛燕跡西東觴詠華年逝水空  
楸桂待營臨水墓菰蒲旋緊落潮風  
玉壺著述名山重石筍居遊故里同  
想像阿連春夢底池塘草影綠濛濛

檢江州陳進士

奉茲舊作賦

舊隱棠湖岸匡山浴晚青坊間陳起集門外伍喬星奇  
服幼從好道言時與聽十年心迹杳囊錦漸飄零

爲楊鐵齋

開基賦古松

海雲頽唐石隄裂一畝歸宮峙精鐵陰陽之炭火風鼎

誰鑄巖松見

胡句切

鱗鬣上枝下枝背翠肥橫枝直枝蒼

鼠飛氛濃霧重闕深晝衆綠如蓋團團長身君子鐵  
爲性閒徑盤桓氣凌橫閉戶全疑羲日虧扶柵更挾商  
飈勁欲蝕不蝕牛腰龕欲繡不繡龍文孤齋頭忽見秦  
山影恐是年時五大夫

程野竹水邨結夏圖

豆棚疎雨稻畦風葛帶櫻鞵襍穢空說到田園歸興好  
北牕況在水雲中

山童解髻擔泉回花當勻澆茗一杯持謝槐花忙舉子  
如漿白汗點黃埃

六枳芭籬曲徑穿題詩多近石闌邊書郎也說荷衣好  
一抹涼痕映水田

曾走祁連學臂鷹席開窖雪斧開冰而今坐愛江南老  
排遍松圓集未曾

題劉大尹乘風破浪圖卽送其之桃源

鯨波瀉天漲天碧跋扈南鵬怒搏翼長年屏息顏如灰  
倒拽風蒲一千尺船頭擂鼓鼉梁摧船尾縋獵朱旗開  
雙龍八駿失騰蹋前船後船何有哉船低船昂浩呼洶  
乾端坤倪萬靈悚風所未到浪已空越種吳胥避餘勇  
我侯磊落天人姿堆曾千頃明文漪揚帆要采石華片

垂竿好拂珊瑚枝高檣戕戕去天握拍岸淘沙勢崩剝  
生風嘯旨推剝現破浪雄心慕宗慈海東照耀扶桑暎  
黃流竹箭移官舠樵人風便倘余乞買船徑入桃花源  
自栢暮雲春樹圖

劍膽琴心竝轡遊一重雲樹萬重愁新詞賭罷旗亭晚  
記上君家舊酒樓

卯色天光極望同光風駘宕落霞紅多情不及王孫草  
長與離人襯玉驄

如水柔腸日九迴謠言無復聽宗雷何人截得神仙手  
縮取江東渭北來

紅豆叢叢苦繫思釣竿樵斧夢差池探懷大有三年字  
染盡雲藍爲阿誰

荆南趙北歲駸駸儒雅風流慷慨心忽對屋梁見顏色  
故人交誼重苔岑

昨犯青霜宿練塘鳴關鷺柵打魚莊花前雁後春如海  
賴爾題詩寄草堂

賦得麟士織簾爲姚徵君壽

八月寒葦花蒼蒼遠江色言念緯蕭人何如織簾客非  
杼非柚機響聞湘波翠地涼紛紛一痕未挂琉璃脰百  
結先盤綵繚文先生冲隱謝梁肉六藝手披忘暇瘳試

將織錦代編茗擬覓簾材作去書簾織簾聲斷商歌連  
篝燈抱影遲夜眠妓衣奏酒今何夕損卻君平賣卜錢

朱覲宸春林樓閣圖

松陵詩趣桃源隱二月花如九月楓爲近四先生舊里  
披圖祇合注魚蟲

江左清華起鳳樓宗風提唱雪盈頭華林七錄無因校  
硯北琴南老去休

鬪茗圍碁徹夜分玉峯暖翠秣陵雲鯽魚名士周旋久  
七寶莊嚴合讓君

紅襟雛燕掠波新小竚東風颺麴塵除是浣花狂杜甫

敢將朱老作南鄰

秋日移南四龍港呈肯畚丈

移家非卜宅謀野暫離城地近陶潛里秋深宋玉情  
尊鱸懸北轍稻蟹戀西成不少南賓雁當樓影自橫

何代盆牢笑臨沙萬竈開久成宜麥地真建讀書臺  
抱布前莊去提魚大海來柴關何用掩風袖曳喪回

短櫂通平圃長鏡託小園煮茶頻埽葉種櫟各編籬  
賓從皆兄弟生徒是子孫未妨吾道拙相對息邱樊

素心三黨重樂地一門奇鮭菜長懷土鶯花近別期  
宦情夷甫少隱跡曼容宜卻話長安轍同煩索米炊

新阡封樹粗了感作

父歿垂十年母喪及三載麥飯陳殯宮菽水末由逮孤  
兒如一萍出海跡茫昧明知葬從薄焉敢緩有待蜃灰  
暨陶埴審辨極瑣碎庶幾先事營勿貽後時悔慈烏啞  
啞響孝筍觶觶在我生彼不如迸淚浥叢萊

事親昧醫學夙夜含餘恫初病進參朮誤補劇誤攻青  
烏相吉壤騰說各自雄卜地越浦西卒乃歸浦東魂魄  
戀鄉里幽明情則同遠者非必吉近者非必凶甞勉告  
井惇土澤潤且鬆豈爲福田喜喜少蛇螳蟲

選地選良辰過社與逼臘天寒工作竄廩此一龕納短



紉輓透邈前和莽匿而不見棺上衣矧乃棺中頗遺書  
祕在笥斷杼空滿篋酸號徹重泉秋風響相答墓廬媿  
未能宰木愼無乏他時拱蔭成丙舍續殘帖

周上舍晚林采藥圖

幽心隨白雲曉出暮知返方尋負局行言采紫芝飯藥  
苗香滿衣風色寒尚淺重茅何處亭林缺露苑苑嘉月  
揚素輝無人獨行遠投策歸自厓陶然謝塵蹇

送唐氏妹

形影無多北又南浦東東望路差參一門禮法嫻爲婦  
廿載身名憾匪男迹類浮家便薄送事兼營葬要分擔

何年也喫東方米土銼柴車與細談

兩姓詩書澤慶同對看壽骨起隆隆嫁憑兄嫂裝難具  
分在姑章誼更通關勢定隨絲障解聘錢翻笑玉臺豐  
哭聲遠爲爺孃遠今後郵書待朔風

訊蔣吟病

鶴聲墮秋月遙夜拂珠徽言念于雲器長如杜德機藥  
鑪調御近綵管應訓非倘有秋山約橫雲紅葉肥

發南四竈

富場廟頭西日偏龍珠庵口寒月圓浦東客上浦西去  
黃葉打人風滿船

常熟過種石兄敬見仲子哲維蔚光近詩

澹臺湖畔路幾載覆茅楹春徭風催信琴河潛放聲尚  
虛卜鄰約何止對牀情三五年前夢艱虞倚老兄  
文度佳如此堪爲浙借才篋中冰雪卷筵底聖賢杯夜  
火江帆峭晨霜渡草摧吳山如有賦風雨展登臺

劍門

劍州標劍門聞名衆所憚海東遺一卷游蹟媿汗漫蒼  
蒼杉栝陰緩步頓雙髀洞門氣象尊直上挾飛翰磴滑  
腰腳虛一亭揭山半積雲何怒崩落星復凌亂介身石  
林中如席亦如幔烏污爭雪晴茵壤偕木爛得毋玉具

人一斫遽中斷混茫神鬼功扁鼠不容竄誰歟摩兩厓  
觀止發三歎預恐下山時清魂驚奇觀

拂水巖

拂水天下奇三疊縮廬嶽石梁一暝坐洗耳響淩淩白  
龍來蜿蜒回首厲其角泉從角頂飛懸出是爲沃土囊  
聲塤然直上挾鳴匏急流不自持旁行蹶崩剝小者走  
珠琲大者雨華電當其晴望餘沾面大呼疊橫被幾由  
旬沙市受濡濯比年此景稀龍脣缺如斲願乞東南風  
倒吹滌埃濁嗟哉巖下莊百年付樵牧吳景催昏鐘淒  
淒氣凝朔

爲桐邨題陸澹香校書焚香卻掃圖

十五吹簫鳳曲工  
見人微暈臉霞紅  
斑駁芳草情根幻  
身是機雲女侍中

葯館蘭房鎖洞天  
小名合喚蕊珠仙  
雙螺拂罷吟肩倚  
長遣西川損十牋

捉搦迷藏記幾遭  
楓谿小漲暖蒲萄  
春風人面天然影  
膽樣軍持綻鴨桃

金鏤褰腰蛺蝶輕  
茜蘿衫上酒痕明  
鴛鴦湖畔相思子  
好忍春寒到五更

亞字迴廊正字欄  
脩脩鸞尾蔭檀栾  
芳塵一散兜鞵遠

小象沈熏盡日看

誰掃蛾眉學淡妝微雲河漢音思難忘好憑銀甲彈箏手  
心字勻挑不斷香

雙塔阻凍

霜凋蒲葦叢風緊鵲鵲曲瑟縮掩孤篷燎衣燒溼木  
酒凍遲招旆香消怯擁鑪江湖無復上冰斷澱山湖

送泉之就婚張莊

泖濱風解凍頗黎許掾全家燭影低蘿薦綠成寧待卜  
珮環禮薄不堪齋鄭衿新戴休佻達齊贅粗安戒滑稽  
卻爲告禰

從陳  
皓讀

增百感我今崇讓宅分栖

雪後題王上舍看竹圖

選石分苔倚日曛  
籜冠長伴鹿麕羣  
馬曹饒殺看山眼  
一半關心是此君

脩脩翠尾隨青鸞  
壓徑疎陰綠未乾  
絕勝暮年詞賦客  
小園纔種兩三竿

竹花漠漠竹雞啼  
竹里清幽竹屋低  
從此俗緣翳亦可  
不煩身手刮金鑱

貧家風致掩莎廳  
咒筍鞭林事慣經  
較是漫天嵐絮緊  
戛枝微作去玉瓏玲

元默敦牂

上臨桂陳中丞

泰元享嘉德間氣生偉人  
栽栽桂林公宅心幾大醇卓  
爲理學倡若火傳有薪立德規  
伊顏纂言鉤孟荀克膺  
聖人契一德孚臣鄰持節半天下  
熙熙登陽春此邦旣  
重莅初政無難循夫惟鉅儒出以道光得民

吳中讓王地錐刀逮流末窮侈因潰防尚鬼遂崇佛側  
聞董生言更化若調瑟自公統百城貪吏凜毛骨害去  
利漸興日用喻民質說以忘其勞威以董其失廓然知  
向風正已物胥率曰昔潛庵公治吳有常律

大田固多稼十室虛蓋藏況承游饑後通賦爲瘼瘡淮



徐旣澹菑澤雁猶哀鳴勤民卽經國數語陳 九閭奉  
行貴如法千里蒙樂康在今芑仁壽占歲逢金穰省耕  
切 天眷敷對皆周詳采風入夏諺陳義躋幽堂

山塘雜詩和孫香巖

紅襟如翦柳如絲破楚門東唱竹枝一種破禪花氣輒  
五風吹到禁烟時

微黃水柳畫簾陰擁髻韋娘怨未任爲道踟青歸去晚  
長隄芳草長紅心

社公酥雨浥輕塵短簿威儀簇仗新看殺畫船牕格影  
臉波先暈舵樓人

吳市金錢溢看場銀燈珠箔意難忘沙家舊苑春燕冷  
不斷簫聲是牛塘

後珥前簪夢有無龔壺濮竹笑紛挐箋天但乞花綱手  
底用金庭長五湖

衣香零亂酒痕銷坊果檣茶枉暮朝記取雙橋明鏡裏  
青山隱隱水迢迢

青山綠水  
二橋名

禊日同程魚門凌叔子趙璞函嚴冬友徐烝遠

俞蓼塘陸耳山璞堂集竹嶼青瑤池館分韻

得和字

承 蹕旣清暇曰余遵澗阿謨辰上除永徵友中歲多

望衡數修蔭結宇抗層坡云云水廻塘粲粲花被柯纖  
鱗影交初幽鳥音與和衆紛慮轉一道簡儀勿苛援琴  
或遺絃命釣仍藉莎永懷拙之政庶息勞者歌祓蘭据  
明典浮觴悽逝波早月下西嶺秉燭懼如何

望亭送駕恭紀

南望亭交北望亭十年三迓玉鑾經池臺近日雙龍  
遶冠蓋連雲萬櫂停作頌待編文穎館聯名疑隸浙江  
汀九天照耀華縑賁細與鄰翁話寵靈省欽奏頌與浙  
江梁侍講同書  
等十三人入選賞綴其  
間籍江蘇者省欽而已

上宮保尹望山師

外臺設二府分陝如召周上以導清問下以敷嘉猷制  
府任九重爲憲邦諸侯繫銜逮公孤使相綦渥優夫子  
抱公望經術光弼彪代膺九重契濟美乎作求台衡  
穆穆迓醴化敗敗掾兩江行省三持節三鳴騶一羊戒  
九牧 帝曰惟乃休孫曾邇祖父仍世聞歌謳控制  
數千里不競亦不絀推誠置羣腹順令如水流謂逢太  
平世東溼非所鳩熙然享太牢元氣相噢咻大藩總財  
賦漕弊早剔按卅年若一日府事資孔脩幸出大賢門  
畫戟清香聞樞衣奉言笑道氣彌輯柔是知仁者壽克  
定艱大謀欲名高深意徘徊方末由

喜璞函耳山以 御試授中書

薇省重登俊崢嶸賦殿前一從三月別孤負五湖烟志  
郡科相類名詩衆蚤傳玉堂揮翰地鄉語重流連

題海虞移節圖送胡臬使

樓船伐鼓里記牌後倚采旄前鞞鸚鵡杯鷓鴣酒似淮  
送公廉鎮遷是階三吳都會清且佳小侯八郡聯簪駭  
漁鹽利擅車紛麓澤居戢集交趾蠅早熟再熟饒秬稭  
胃爲天倉門用闕記糧小冊滑紫畦僉軍僉衛瀕瀕瘥  
部勒井井除敲欵轉漕鐵鹿枝角又韋堅劉晏眞匹儕  
上以成賦惟汝諧下以息民民允懷屢豐特書江海涯

理大物博占不乖  
省方輦路鸞鑄皆德音  
布赦清宿  
龜雞竿子子揚天街  
圍牆一宿避腊腊公謁行殿隨棘  
槐  
皇曰持憲心簡差繡衣  
犀帶青者綢豸冠嶽嶽  
金章指降神公昔鄰泰  
柴經義治事顏厥齋歷令牧守  
芬理緒八條五術懲吏  
俳尚湖例駐襜帷排棟花信過  
菖葉偕邦人迎送音囉唌  
攜紵負榼羞菜熊作圖非夸  
濡澤皆管絃流被金石  
鑄衆口摩遍虞山厓

抵九圓與新懷話舊

野市參差問東溝  
趁午潮蟬鳴沙店樹  
牛跡隴田苗奏  
賦前程稱環論詩舊侶消爽  
惟餘顧文學  
麾扇話清宵

奕蘭墓下

愁如叔寶病維摩恩分同深禮勿苛奕世競傳貞節苦  
活人還記孝廉多茫茫遠恨天寧論藐藐諸孤我奈何  
檢點遺篇聞鬼唱荒墳宿草淚傾河

秋日石閭道院

埽門謝塵轍幾葉下高梧綠燈穿鼯鼠紅泉養葑菰遊  
蹤隨夢短吟思入秋枯道士休糧久能騎老鶴無

偶見一畫幀似某姊弟寫真第姊少瘦耳託其  
神似題六絕句

傾城名士省前因妙腕偷翻鏡殿春絕似盈盈當牖女

他生應作比有人

碧玉家聲早及瓜驚鴻爪跡驗平沙分明都講風流在  
小部絲簧隔絳紗

姍姍來去總如仙對影開聲鎖可憐莫化入宮雙燕子  
簫篴須付李延年

明珠彈鵲恨難裁蓮惹雙拋點碧苔尚有昭陽驕女弟  
不逢周昉寫真來

陣陣天香卷繡幃乍勝雨露未勝衣須知別樣蘭亭本  
那用旁人較瘠肥

一卷茶經一藥譜願陪苦李代桃僵儂家心字香痕淺



借與情人作影堂

陳視左蕩花水榭圖

水陰蒼蒼柳陰碧細縠生紋淨如拭露荷一柄風一囊  
六六鴛鴦化花色陳郎氣奇宕大鼻兼高頭三間白板  
屋百頃青瑤流結趺坐湧妙明片片酒作蓮花浮浮  
波綠雲簇夾鏡闕救束一一浣紗人雙雙采蓮曲曲長  
曲短諧玉琴蘭橈斜日傾遠心清江錦石亂無次蘋香  
莖氣交淫淋黃河落天走東海人生霜露朱顏改投竿  
今且拂珊瑚把盞終須平魄磊我亦尋閑雇蕩夫輕舟  
五瀉路縈紆但吟康樂芙蓉句絕勝濠梁折葦圖

夜泊

船頭水汨天船後天就水人語半江空宿鷺將雛起

重陽後一日泉之獲舉鄉闈報至

十日前排送喜錢沿江風過姓名傳攜尊客就重陽會  
注矢人看壹發穿待與校書闕乙火忍從負米話丁年  
九原消息青衫苦且薦花飴告几筵

鶴沙遷播小宗單不耐浮華卻耐寒訓守菑畬經徧授  
望崇科第福難完 國恩先幸兄邀舉家運偏逢叔罷  
官誰向湖湘傳慰問慙孫才地劇登壇

璞函龍湫濯足圖



永嘉雁宕天下奇結脈蟠支盡南戒環百二峯根擢莖  
涵六十畝帶浮芥潭潭乍見金雁拍袞袞旋驚玉龍挂  
中權怒涌爭一門絕頂爭流導雙派嵯嶇沸響高建瓴  
棧壑齧波巧承齡健如生馬雷車排粲比晴虹日輪曬  
飄疑旃帛揚高遶住訝冰簾晃虛解沈埋毒霧掃黃茅  
功德真源吸元瀦夫君游藝透滲漉語我行勝脫塵  
震旦閑栖圓相軀風泉靜答廣長咀初踰竹澗披葛叢  
漸越華壇指香界晞髮陽阿歌放顛振衣陰嶺氣迎噫  
圓屏丹嶂詰屈探翦股蒼厓韜摩搯修羅杳渺傾酒瓢  
河鼓搖溶浣衣繲谷東谷西鳴琤潺大湫小湫舞砰湃

木杪時看跳沫龍山腰轉說倚梯臨白厓結陳仙樂鏘  
黃獨連窠靈藥嘅濯纓差擬楚漁清跼脚休嘲杜陵僊  
洗髓伐毛精爽緊枕流漱石笑調快自憐行笈圖嶽形  
久緬騰鸞謝天械匡廬倒瀑三疊翻滄海當杯一泓稠  
紅塵沒髀蹠試驂青雲躡踵卜休賣伐山康樂屐未經  
宴坐諾羅劫無歎離獸哀禽紛叫囂名花秀藥見胡甸  
光怪三千舍利衛化居五百應真參叩拜爲尋扶老追  
猿猱頗悔屏風記惹薤噴渦洶洶聽丁冷泄乳溶溶煮  
皮繡挾雨蛟來幽景駢洗潭龍過熱因瘥芙蓉灼灼櫻  
毛鞵竹筧涓涓木蘭柴花名邨落鳥名山落手溫台繚

腥觸

爲梅亭題姬人寫真

平移匿鏡妥珠鈿月地朦朧鎖洞天好是春陰簾不卷  
石牀平護小銜蟬

消受青門鬢未絲沈腰支是楚腰支閑階小史九雙簪  
不費瓊蓮送弟詩

許上舍水流雲在圖

長津希滯流喬木振疎響之子鬱門才少小負奇儻杳  
然相與深靜理發昭朗送目高鳥林投足夜漁榜既滋  
須友情彌切喪吾想心隨帶履忘興逐水雲往盛年人

不居名山道堪訪徙倚夕陽邨川原眷遼廣

拔茅連茹得交字

拔五看盈十連茹協泰交蟠泥長走蔓乘晝獨攀梢秀  
喜從頭擷根憐信手捎蓬鬆纔計把瑣碎輒分包作藉  
封壇貴成團結屋教蓬麻扶異種全蕙戒同苞略比幽  
蘭采毋令短蒯拋彙征逢盛代幾輩奮前茅

薄物需偏重翹材邇遠如漢舉三脊最山徑一叢交露  
溼勻披束泥鬆淺脫苞論方殊薤草取勢喻拳莢共託  
中心結寧隨下體拋縮時供法釀折後驗靈文藝圃今  
陳義樵夫夙獻嘲末臣來草莽何以貢螭坳

白華前稿卷第三十三

南漚 吳省欽 沖之

古今體詩聯舫集

昭陽協洽

往還漕道璞函以余如長年昨舉制科卽訂聯舫  
泉之及東園兄亦與偕行首春開舵襖日卸裝時  
鄉人官京師者以某等且不及試計出牖後數千  
里惟兩舟若蜚驢云

璞函書來訂於揚州小泊相待

一官同拜制科來

聖主何曾棄不才雞省廻翔局

僦直龍湫宴坐少分陪裝輕累及攜家重政拙文畱報  
國材祇怕今年如昨冷朝京川路遲冰開

八牖鱗鱗滯蹟偏緊程好趁早春前漕舟將到難須友  
拔宅雖昇豈類仙懷刺吏闕丞相閣揚旗人笑孝廉船  
鶴灘雞埭肩隨久爭似聯吟到日邊

我緣度歲理囊膺煩倚先鞭住廣陵檢歷細聽開舵鼓  
守更分照讀書燈兩門子弟疑相質幾輩僮奴令互承  
一語報君君記準欺君百罰酒難勝

發錢涇畱別榆墅竹軒

萍散不歸蒂葉落不歸樹人生異草木所重爲情素自



我壻君家哀樂各多故久贅始獲歸歸後幸一遇端憂  
旋里門欲居無可附勉割門廛藉用紓內顧今年重  
別君買舟橫沙步後會聊共期迷途弗終誤架有舊藏  
書座無雜戲其新月吐春江是君思我處

車塘泊野寺作

靄靄遠天雲漠漠空江水離世本忘喧松風滌雙耳

唯亭讀徐大臨乙未亭詩寄知白

水外人烟水面星小唯亭接大唯亭青山一角湖三面  
徐吟到清詩待爾聽

竹嶼舍人海山吹笛圖

癡雲怒壓海波黑素練蒼茫見鼇極鹿盧三躋開樂方  
笑摩重邱一牀笛笛材簡易天所音蒼寒無際愁登臨  
蜃樓夜結飛涎冷珠氣朝停濯魄陰是時海童走積浪  
玉節金麾迓天貺醉傾沆露顏未酡笑拂珊瑚枝腕猶壯  
腕下風隆隆腳下濤淥淥隨身雙管不知處穿霄一聲  
吟老龍梅花香流洞庭白倒影忽與金樞逢懸厓插海  
海無底哀禽離獸鬱恢詭何日真靈駕鯉來誰邊漢調  
從羌起吾家季重才凌鸞不眠倚樹排九關有耳肯食  
箏琶響有眼直挂崑崙源拂衣擬蹈海東曲一泓遠瀉  
春杯綠偶然筵弄本無腔龍伯秋將淚交續潮風吹山

山四搖連琴裏磬長寂寥試尋仙客浮輕羽莫問宮人  
誦洞簫

傾星橋

宗泰月滿樓次韻

星字春橋月字樓錦袍遙裔坐銷愁光偷玉匣初飛鏡  
影亂珠簾恰上鉤碧漢蕭寥河鼓夜金波泱泱洞庭秋  
相逢不少高寒侶蘆荻花邊起宿鷗

胡牀幽興續南樓銀海泠泠劇繫愁窈窕風期搖翠蓋  
清華才地映珊瑚鐵衣霜重三城晚玫杆天高萬戶秋  
何似林暉替樺燭射魚纔罷射蓉鷗

居然學道契神樓服散薰香好寄愁鳥汗待移牀腳避

藤梢紛向帽檐鉤佳期北渚芙蓉冷隱地南州桂樹秋  
乞與圓靈問消息幾時來往狎沙鷗

置身仿佛最高樓無數邀薩豁四愁簫譜隔牆人按板  
玉船迴坐客藏鉤三千界顯豪光且十二回圓璧彩秋  
老我不眠倚悄悵東吳文學是閑鷗

### 江曉

氣白夢初覺推蓬行悄然殘星帶江樹明滅化蒼烟網  
勢吞潮大鐘聲出谷圓一行沙鷺起如避渡頭船

### 揚州晤璞函戲示

竹西歌吹上元天合泥前船待後船笑口雨開燈要看

吟腰一挺貫羞纏程遙北權妻藏酒試近南宮客綴篇  
與子坐愁三舍避老兄瘦弟各便便

題徐劍勳相馬圖

畫馬貴神妙不必真馬騎相馬貴神駿不必羣馬馳房  
精隆隆挂天白罕地流蘇絕行迹草頭一點輕欲飛人  
馬相當眼廻射徐君負奇服見胡甸切身爲石麟青瞳翦

秋水當代推陽歎樞頭生馬怒難控雙手擁出桃花春  
春風絲絲汗微溼馬解人言作人立蘭筋竹耳雲籥蹄  
虞坂回頭淚橫浥驕嘶領影歌旣差黃皮褶袴金鞢韞  
相士相馬古無二擢頰結股非六駟君披相馬經我吟

相馬句從君更擬乞驂騑杏花江店我行處

爲沈沃田

大成

題香谿仕女徐若冰遺稿

香殘燭炮數恒河  
萋萋風花及聞蟻  
話到玉人微嘆處  
二分明月也無多

搖颺青綾替解圍  
玉臺一去掩清暉  
祇應蕉萃東陽沈  
鼠迹蛛絲鎖絳幃

舟夜寄故園諸子

愁風愁雨夜模糊  
短夢幡然借月孤  
古岸編蘆時陷馬  
暗帆移樹不驚鳥  
引杯看劍教長往  
翦韭撈鰕付後圖  
何限江湖蕭瑟感  
小園回首隔蘼蕪

韓莊暮泊

日夕鳥投樹蒼蒼雲水陰隄空帆獵影沙大浪淘音倚  
劍消雄氣傳杯慰戒心江南路垂盡華髮倍侵尋

新橋題雙忠廟

祀孟文惠公侍  
郎兆祥父子

河聲沈毅魄一死接雙忠寫像遲摩詰爲墳續卞公魚  
羊祇識遠椒桂禮招同奕代成祠廟翻階水鶴空

北舟雜詠

三老真同逆水魚天妃雙牖障歸墟黃河東下臣西上  
惱亂挑燈作寄書

御廠堆蘆倚斷汀官旗運石走空船樓懸鼓角三層戍

燈簇檣帆萬點星

黃泥爲壁荻爲椽纔過淮南景色偏隄外青驄沽酒旆  
竿頭花鴨打魚船

百里鍾吾壞郭門清時小社賸雞豚劉郎一去風雲改  
亭長臺前水拍邨

水驛蕭條曠市烟兗徐州域犬牙聯如銀花片今何有  
況說文昭舊井田

礧礧場開緻緻光高低禾黍驗鋤荒禁板隄柳綠新植  
賤買河魚得飽嘗

紅牆覆草新營寺白板牽繩穩替橋生怕蹋波兒女小



葫蘆著背影蒼蒼

仲家淺口漾祠燈祭埽遺田謁蘇凝獨自升堂拜冠劍

泠泠瑤瑟響朱繩

仲子祠有張公國維捐田庵

當年燕將守聊城一矢遺書勝勁兵忽記高飛歌逐燕  
無人得似魯先生

魯殿秦碑蹟半荒天門日觀路偏長蜀山山下逢人問  
淺草平田是汶陽

酒星昨夜照東樓清濟羅羅漾碧流一樣光芒今萬丈  
南池誰續杜陵遊

蠶尾蠕蠕送晚青看山倦眼暫時醒當盃祇有蘇司業

自唱新詞小洞庭

六逸高堂幾劫灰石家處士墓門開惟餘天半徂徠影  
寫出松風萬壑哀

一窖塵黃一窖紅搖鈴聲喚賣漿同騎驢少婦如名士  
腰扇平欺撲面風

篳篥琵琶關竹絲白楊古廟坐彈詞匆匆便作登萊語  
絕倒吳趨教曲師

懶從酒岸問鈴駝六十三泉下衛河若使十朝開一牖  
到京還要半年多

張秋城邊挂劍臺行人拾草空徘徊翩翩公子起鄴下

還聽魚山清梵來

臨清亦是繁華地陸稅征車水算船今日過關還放溜  
請君同聽玉冷泉

姊妹連駢撒瑱環北宮遺孝在人間至今月落楓寒夜  
時有慈鴉悄往還

郭外浮橋貼水低千車聲轉輓轡齊不知醢法傳誰氏  
能使麻姑入品題

殺辦飛飛入帝閭一鱗一角盡卽忍切荒唐如何不擁書  
堆死豕柵牛欄賸御莊

丁字沽流夾鏡光津門風味似江鄉已扳細柳穿魚鬣

更折新蒲繫蟹匡

一灣西湖一灣東枉費吳中舶  
趁風行人更指潞沙去  
七十二沽潮晚空

冷淘節過蚤蟬嘶漠漠槐花埽  
徑齊愁殺當門雙土銼  
馬通和草爨烟迷

棗花作雪香纔透蕎麥成秋味  
未諳應是熟梅天氣好  
嫩晴細雨望江南

銜尾雲帆轉漕多十人穿距百  
人拖每嫌駁淺求邨載  
祇喜逢關免稅科

家家水手競攤錢準到張灣上  
別船翻對南雲開笑口

此行真箇上青天

廣渠門外柳烟搓行李倉皇瘦馬馱分付太平船記取  
往來須唱本鄉歌

重泊天津

析木一津橫長蘆萬戶盈潮生沽岸闊山盡海雲平莫  
弛提鹽禁難期載酒迎昔年水楊柳愁對綠痕明

天津偕璞函先行抵京覓館李鐵古斜街

挂帆雖穩計程賒間道先登轂鯨車芍藥扶頭連檐好  
櫻桃過眼到街譚巢成新舊從容埽廨列東西妥帖遮  
兩月行舟數椽屋長安一住便如家

街在櫻桃斜街之北口

繩牀紙閣太傾欹位置鋪張割宅宜錢奉半憑官議罰  
子以投簿稍米炊仍賴婦親持人遊燕市難忘酒士赴  
遲奪三月奉春聞每曠詩轉眼舉場三試了兩家拔宅看重移

餓居

外吏自開府下逮丞尉居有堂聽政事有寢棲妻孥夜  
靜報鈴柝曉起班臺輿官衙雖傳舍埽地心晏如是皆  
號治所大壯占迺孚王城應紫垣冠蓋摩四衢九卿  
列樹棘三省攜熏鑪辰入酉斯出歸同途稍殊崇文門  
則遠宣武坊不踰一以就泉井一以昵黨閭一歲或三  
徙一門或兩家青烏卜云吉捐奉償厥租毋乘而無廩

毋溷而無除毋銼而無築毋砌而無鋪裱匠科十三落  
手分精龕枯其密密縛素紙重重糊外障安梁慙方空  
畱綺疏哀塵遠不到虛白生雙臘墨簾金屬戍土炕紅  
氍毹氍毹觀木几寢食恆相於當門榜頭銜塗朱誇大  
書客來脫禮數邀坐同軒渠爲言住亦得所苦非吾廬  
北人長子孫買物營區區當其索租至迫促如官符日  
計詎不足月計尤有餘值比春明高事異奉誠輸一官  
鮮寸補竊祿真厚証以半僦我屋以半賃我車處旣免  
於露行亦免於徒爾曹縱求利何至窮鎔銖比鄰有甲  
第照耀光門塗潭潭互虧蔽隱隱交傳呼衝筵舞鸚鵡

分局嬰擄蒲禁寒圍地衣暄暑搖井梧窮達信時命慎  
勿輕擲揄尚有無祿人覓店羣支吾爭窠鳩太狡尋巢  
燕卒痛乞貲成草堂此舉豈丈夫義取火山旅退直安  
跣趺

信及豚魚得孚字

五德無如信推行泯詐虞抱形長蠢蠢流化轉喁喁入  
苙歸心摯依蒲樂事紆舜型遊竝鹿姬瑞躍先烏澤泳  
春貳發威宣夜魍驅涉波徵雨降負凍驗陽燄垂象宜  
盈缶通靈妙合符莫憑三物詛血氣蚤潛孚

宋高宗御書詩經拓本歌



思陵學書始學涪翁氏中年筆法一變參蘭亭日臨麻  
牋九行百餘字大令十三行帖傳摹型清江白錄貢紙  
備程課詎獨郡國戒石頒箴銘鴻都故事考信寶希世  
學宮拓本光耀垂六經快雪之堂一二勒鄭志鉤畫狡  
童溱洧昭日星小朝士夫在昔盛文翰游絲蟲網結體  
皆娉婷屠希執藝斑管價騰貴藻麗餘事先自覃宮庭  
憲聖清吟親題耕織畫劉妃柔翰代押奎章形宣和太  
清名蹟縱充棟牟駝岡上燐火搖微熒戴天不共之讐  
忍坐視采薇治外大義何人聽揚水東蒲戍申太流宕  
旄邱誕葛寓衛眞伶仃內家便便肄誦及章句如遺義

娥兩曜懸燭螢他人敢思微子不能食弱國亡國一轍  
同彫零玉瓢小印久已失隨御水晶遺注安得依先靈  
爾時臨池運腕劇神王那識犬羊年月栽冬青孫王癡  
兒踞坐格天閣亦覓好手裝潢開莎廳飄鸞泊鳳撫玩  
嘆如此想象匣琉璃伴毫蜻蛉是中興廢彈指閱人代  
江頭白雁悽切過昏櫺

香羅疊雪輕得羅字

天中懸令節殿上賜纖羅疊似秋雲否輕如霽雪何幽  
光含璽甕涼意逗龍梭披處氤氲散擎來縹緲拖迴風  
全欲卷照水不禁搓蠟質浮金翦班行漏玉珂服隨朱

輅改龍賁素心多盡

卽忍切

有香烟惹南薰滿太和

白雪凝朱夏濃香簇禁坡貼平翻縷縷方空隱羅羅曳  
稱悠揚舞頒隨川濩歌氣涵冰室早痕亞水田多花出  
非無樣紋生略似波鷗斑疑點染鳳尾信婆娑魯縞織  
相似吳紈膩若何南端承睨永潔白凜絲紕

角黍得端字

鄙里多神黍連筍午候端五絲纏擾擾四角起攢攢累  
去非裁律盛餘及薦盤流甘膏配饌致潔玉分餐體笑  
青凌具形誇綠箬完饌饌蒸令扁粬妝擣成團楚記新  
迎暑鄒吹舊殢寒誰知藜覓腹嬉粳上金鑾

益智嘉名肇維新美種殫亦煩牙弩射豈數玉甄搏見  
底三叉穩量尖一角端菰蒲青細裹綫縷采分蟠較信  
棱棱聳偏宜粒粒完滑裝腥餽膩甜蘸蜜餠乾典異含  
桃雪時殊秬黍寒紅綾恩宴早勵節對傳餐

御試太禹惜寸陰得陰字

王省惟終歲無如禹惜陰八年乘四載一晌值雙琛倍  
策修和政全消玩愒心花輒移宛宛蓮漏點愔愔積秒  
丁寧算餘分子細尋漸流烏翅翅誰繫白駒駸障澤欽  
承往封山會計臨後先符道揆宵旰仰宸襟

禹德吾無間孜孜日廩森課功勤得寸測景眷流陰緩

緩韶華逝堂堂歲序侵箴教陳寶鑑警謝脫瑤簪祕籍  
庚辰問遺書宛委尋飛繩規自古懸枕勉斯今已協貞  
明德彌持魄影心百年誠過客懇款遶丹忱

此日殷遙去前謨矢一欽永宵求甲乙每旦戒辛壬似  
箝離弦凜如梭脫杼禁萬年枝竝轉八尺臬初沈人慰  
懸韶願民勤鑄鼎心揮戈迴幾舍銜燭返層岑天與春  
秋富時幾夙夜深側身咨有衆努力愛分陰

松棟晴暉麗搏桑芑遠陰九枝懸歷歷一寸闕沈沈顧  
影珍聯璧涵精貴抵金桐圭浮掩苒璿尺度差參賓餞  
承堯策時薰繼舜琴再中輝更朗復旦道惟欽黽勉收

榆效繁紆向藿心登三揚 睿範稽拜誦陶箴

五月九日 乾清宮引 見選館恭紀

觚棱端聳五雲間隔晝傳呼 法駕還 駕在西苑引見者俱須祇

詣惟新進士引見 駕特先年貫竝繙蚪斗字趨蹌

分領彙馳班名超甲第先排等 自戊辰至是科除一甲外餘皆先命王大臣驗

看列一等數人二等者三四倍之欽喜送丁奴各候關

從人止中通籍七年官數月官扉初次聽金鑲

堯廷列跼姓名通 詔傍階墀覽下風 引見官踞處距階例二丈許

是日 命移譽忝朝元珠錯落 新進士試保和殿第

近至階下此蹟聯館少玉玲瓏 館選齒最少者謂之館少欽與海

年皆祇

二十

丹豪結體天旋左

名謂概下丹國者庶吉士尖者分部額外主事連點者知

縣即用單點者知縣候選

御黃閣凝暉日正中好與

元和徵故事喜歡三十二人同

陳標句案元和十三年放進士三十二人今科

一甲三人授館職庶吉士選二十九人

引對頻煩翰苑司

引翰林院司之傳宣頃出鳳凰池瀛

洲雖到官稱士

郊殿初旋帝命師

庶吉士例以掌院學士及內閣學士

列本侯簡俾教習焉協辦大學士劉綸侍郎德保

未待題本先膺是命距北郊後祇三四日云

掌院

分書長論齒

雲貴川廣人免習國書其餘三十歲以下者多令派習掌院學士於館選後數日以下

齒分清書漢

到門換帖緩需期後輩謁前輩初次俱用

書謂之分書

晚生白帖例以科分最

先之前輩擇期於庶

常館謁報謂之換帖山林臺閣懸霄壤勉習唐賢二應

詩唐人以應制應教作為二應體

麟角牛毛命不居下江祇選四中書江蘇庶吉士四人俱由中書改授其

不由此者惟修撰秦大成而已乍支雙俸分幫俸各關額解庶常館銀共三千餘兩謂之幫

俸未引單車列後車庶吉士車入院門與編修學士無異惟少單引而停車亦稍後云

教養恩兼三殿上哀榮感及九泉餘卷堂叩假臣何

敢忠信齋心奉玉除館選後乞假者祇准註病或卷堂而散聞將嚴是令焉

宣城袁孝廉南湖草堂圖

照眼南湖勝北樓天花菰葉夏先秋無緣賄取宣城守

輸與幽人管釣游

湖水風催淥滿灣灣頭老屋恰當山草堂未必真寥落



漁弟樵兄共往還

長安袞袞馬蹄隨  
怕見登車著作才  
羨爾身披兔毛褐  
畫中雲氣敬亭來

一 題宋劉忠肅游石鼓山題名後用昌黎陪杜侍

御游湘西兩寺韻

劉聖澤老來遊跋題侍旁  
題五世孫某持庚節重來

南荒遷客多黨魁  
例投險臣心傷弓  
同國故履霜漸渤  
海奮徒步器望重  
圭琰挺然荆幕來  
高戴牙冠儼想其  
東北居獨學裕叢  
厂十害雖未除已  
使主容斂衡州山  
水佳放衙展幽簞  
朝食莘尾魚  
見予由和東坡  
會三同舍詩  
暮剝烏  
頭茨紅亭枕蒸湘  
竄迹轉叨忝華酌  
窪尊開朱陵洞門

掩逐臣久鄰屈童子或隨點可有章惇兒

東都事略章惇子故與摯

子游摯亦扶籃共飛颺摩崖九言耳正氣攝魔魘鮎魚

上竹竿竟卒新州貶同文館獄興覆族罰邪詔請看積

善餘監倉泣波臉憶當新法行元獻坐虛玷二劉二莘

老

摯與劉安世孫覺

力持類爭陝禁黨先李膺搜壁比張儉跋

也奉飯舍請卹痛如剡我昔捫舊題怒如解飢歉響拓

無半匱坐閱歲華苒嗟嗟佞人後誅徙禍連梁再詈元

祐碑助我目光睽

朱編修筇河

筠

用璞函集中用昌黎贈崔評事

韻見贈之作索和

趙家有才例通敏和公好詩美先盡於時瘦弟偕致師  
爭訝寡兄久停軫國門懸胃懼僨壓州府建牙讓雄緊  
載賡不啻要璧田一闕奚殊眩龍蜃幸無雜客結社蓮  
長與清香裊泥蚓光儀未奉誰目成心計轉粗自鼻哂  
昨同謾語得一掾古有歡顏動三尹公詩惠我好整暇  
我意需公破煩窘請看凌雲給馬札何異努目側樊楯  
贈詩先就數韻粹奉大考因羈一日始成竭來爽口餐芝房此際凝神洗虹  
韞修眉粲粲愁宿瘤距甬趙趙媿幪臙祇嘲珠貝若臣  
朔肯比豬肝累人閔隔牆頻見雙楹過憑軾那思八駟  
引由來悅參逮螺蛤竝將重芥配雛筍挽強公已殼黃

間避舍我將息元牝不立文字忘螭螻獨抱芬妍讓椒  
窗枯禪入定戒肯開堅壁遙摩濟惟忍程材畢竟嘆駟  
鼈辨物焉能等龜菌谷音昨者聞遷鶯秋興今茲待翔  
隼碑摹近寺婣羣雅鐘打疎樓警凡蠢移家盡即忍切許  
圖葛洪入道差堪謝祝腎北南跡昵中央居河朔飲拚  
一旬準予與璞函將移西輒新術先輩文章矜水翻吾儕氣誼矢麋  
殞且將覓句爭閉門遮莫歸田事徂眡如移朱老稱南  
鄰小別孤吟緒雙泯

筍河六疊前韻璞函泉之各三疊韻再和

長安熱官貴機敏待詔歸休西籤盡冷曹相對長苦吟

何異越轍發胡軫先生該洽推雅材三閭三終轉圓緊  
忙添種竹驅鞭箠暇及移花灑灰屋鮮衣快馬非不能  
清操區區學廉蠅趙侯磨刃天低昂一技屠龍頗騰哂  
讐書每說窺星精敲句真忘避京尹予季助虐心發狂  
咄咄兩賢互陵窘苦煩藍紙遞笥封那見碧紗護牆楯  
索予再和應且憎如牛就輓馬當勒又如淵藪逃罪人  
覩面公然受黔牘兩公比者興較蘭比似淳風化曾閔  
觀禮何勞三賦成寄愁且藉一杯引或登窯廠披菰蒲  
間叩齋廚噉蔬筍養神結夏兼得之守者爲雌誘爲牝  
爭道徒憐局覆碁扣輪柱笑鋒拙箇祇今閑暇心太平

伏雨闌風我安忍鑽紙還嫌聲聚蠅排釘叵耐氣蒸菌  
埽除煩惱耽靜緣飢飽兩難等調隼卽云曲高貴寡和  
未免心兵作蠻蠢大忘從此聽饒舌積恐每虞坐傷腎  
宜僚弄丸夫豈徒一語解圍例堪準趙氏連城庶善完  
朱家俠骨無輕殞想吟石鼎觀鬪雞無此雄師接疆畛  
請君瓜李浮甘泉吳質情懷詎終泯